



EXAMINATIONS COUNCIL OF ESWATINI
Junior Certificate Examination

CANDIDATE
NAME

CENTRE
NUMBER

--	--	--	--

CANDIDATE
NUMBER

--	--	--	--

SISWATI

207/02

Paper 2

October/November 2023

2 hours

Candidates answer on the Question Paper.
No additional materials are required.

READ THESE INSTRUCTIONS FIRST

Write your name, centre number and candidate number on the spaces provided.

Write in dark blue or black pen.

Do not use staples, paper clips, highlighters, glue or correction fluid.

Answer **all** questions in both Sections **A** and **B**.

The number of marks is given in brackets [] at the end of each question or part question.

For Examiner's Use	
Umbuto 1	
Umbuto 2	
Umbuto 3	
Umbuto 4	
Sekukonkhe	

SICEPHU A

Phendvula yonkhe imibuto kulesicephu.

UMBUTO 1

Fundza lesivisiso bese uphendvula imibuto letawulandzela.

HHAWU MINE NGEMTUKULU WAMI

Kuhamba kwaGod o nemkakhe uLaBiyela kwashiya silondza lesimatima kunina uLaMkhonta lowatikhandza sekabhekene nensindzabetjatsi yekukhulisa umtukulu wakhe, Lomagugu, ngaphandle kwekwelekelewa ngumuntfu. Lokwachubela linyeva ekhatsi kwaba kutsi naye waMhlungwane bese angumntjingo ubetfwa ngubani kватise kutsi nemyeni wakhe, Mkhulunyelwa besekukadze amshiya. Phela Mkhulunyelwa watsatfwa sifo sessu lesasibhedvuke kulowo mnyaka. Watsi uyophela Iow o mkuhlane kwase kukhala libhungane emitini leminyenti yaseTicantfwini esigodzini sakaManzini. Naye-ke waNcongwane wahamba ngaleyondlela washiya umkakhe nelikhaya.

Wasala-ke uLaMkhonta kulomuti waboMasombuka atikhulisela lentsandzane leyayingakhotfa nangunina. Wetama waMhlungwane kumkhulisa lomtukulu wakhe ngebucotfo. Bekamekhamela konkhe lokumcoka ngemphilo, amfundzisa konkhe lokufanele kwatiwe ngumuntfu lomsikati. Kusukela ebuncaneni, wawungeke umtsintse Lomagugu ngemisebenti lefana nekupheka, kuhlanta indlu, kuwasha, kutfota naleminye imisebenti yasekhaya. Inhlonipho yayikubani nayingekho kuye waNcongwane! Bomakhelwane bebadzimate bafise kutsi bantfwabobo bangabanjengaye.

Impela basuke bacinisile nabatsi lokuhle kuyalana. Indzaba yonakala lapho Lomagugu sekacedze imfundvo yelibanga lekugcina lapha eCentral kaManzini, asayofundza eNyuvesi yelive, eKwaluseni. Phela yaba mihle imiphumela yakhe, ngako wangena agijima eNyuvesi wayokwenta tifundvo temnotfo, *ema-Economics*. Bekavamile-ke Lomagugu kutsi njalo ngemphelasontfo abuye ekhaya atohlola salukati aselekelele nasemisebentini yasekhaya.

Kwatsi nakucala sigamu sesibili semnyaka wesibili eNyuvesi kwabe konakele kuLomagugu. Wacala umkhuba wekungabuyi ekhaya, ativikele ngelekutsi uyadadisha. Bekatsi nobe abuile nakuvaliwe eNyuvesi, angayihhumu yekusita gogo wakhe. Bekaguja endlini lite liyotilahla kunina atsi phela yena ukhatsele, ufundza matima leNyuvesi.

Kwakutsi njalo lapho **sekucundzeka emehlo** kube kuyasa kuLomagugu. Abegeza, atimonyonge agcoke takanokusho abambe indlela. LaMkhonta bekekutu ekhutile, pho-ke kuphi lapha ngobe umtukulu wakhe bekamane ahlushwa yindlebe levako. Muva nje kwasekunemoto leyayifike ime lapha egedeni njalo nasekugabence insimbi yesitfupha ntsambama, ilandze yena LaNcongwane. Lemoto yayimnyama ngembala kantsi nemafasitelo ayo abengulenhlolo lengabonakalisi ngekhatsi. Kute bekamati umshayeli walemoto, ngaphandle kwakhe Lomagugu. Yayimtsatsa lemoto abonakale ekuseni ngakusasa intfo leyayingamphatsi kahle LaMkhonta wadzimate wangenwa sifo senhlitiyo. Noma kunjalo, abemtsandza lomtukulu wakhe, amkhulekela njalo entsambama nakalala.

Laba linye lelaba silima. Kwaba njengasemihleni kuLomagugu. Kwatsi lapho alungela kupuma, gogo wakhe **wamkholonga matima**. Simkholonga nje salukati, vele besisolo siyincumbi lapha phansi singativa kahle. Sasivuke neliphupho lelibi ngaye lomtukulu waso. Kwabani nje kupupha umntfwana adliwa ngemangce aphila! Lomagugu wavele wanyantela nje, wekhwela emotini zaya! LaMkhonta watetsembisa kutsi utamkhulumisa ekuseni nakabuya lomtukulu wakhe kantsi akakabuti elangeni.

Seyesibili lenyanga anyamalala Lomagugu. LaMkhonta nabomakhelwane sebafune bagabeka. Sebatfungatse bate befika nasemakhateni lombala, phindze kufolakala umtukulu wagogo. Lamuhla ungatsi kumatima sibili. Impela ungafunga kutsi kungene sidvumbu lapha kaNcongwane. Nanguya LaMkhonta lapha endlini kagogo uyagicika nje, ulila ngekufelwa ngumntfwanemntfwanakhe longaka. Emabele akasangeni, sewuhlala abhonsa nje, wena lowabona inkhomati ilahlekelwe linkonyane layo.

Naku sekutakutsi emvakwemadina kubonakale imoto yemaphoyisa ingena emabaleni kaNcongwane. Behla baseshi baholwa nguye umseshi lomkhulu, umnumzane Masilela. Wayetsa indzaba yemantfombatane lalishumi latfolakale atfunjiwe avalelwe endlini lengenamafasitelo elokishini laseSoweto kulela leSikhwahlande. Kutsiwa bebavalelwe ngenhloso yekwewetwa bayotsengiswa emaveni angesheya bayoba tigcili telicansi. Batfumbi babo kutsiwa besebabalungisele ngisho **bobhukwana bekuhamba bemgunyati**. Lomagugu bekangulomunye wabo, nguye nalowaba lusito lolukhulu ngekutsi akhone kuchaza imoto lemnyama kanye nemshayeli wayo lowatsi ngekubanjwa wabakhipha bonkhe labo bekasebentisana nabo kulomshikashika. Bonkhe sebasekhulukutfu, kutsiwa bayodzilikelwa lijele. Lomagugu nebangani bakhe baselashwa ngobe kufolakele kutsi ingati yabo inetidzakamiva lebetigcishwe ngulabatfumbi. Likhona litsemba lekutsi batobuyiselwa emakhaya nakusombuluka leliviki lelitako.

Imibuto

- (a) Bhala ligama lendzawo lapho bekuhlala khona LaMkhonta nemtukulu wakhe.

..... [1]

- (b) Nika **kunye** lokuhle lakufundzisa umtukulu wakhe LaMkhonta.

..... [1]

- (c) Endzimeni **yesibili** khipha umugca lokhomba kutsi Lomagugu bekasibonelo lesihle.

..... [1]

- (d) Chaza loku lokulandzelako njengobe kusetjentiswe endzabeni:

- (i) Sekucundzeka emehlo (**indzima yesihlanu**)

.....
.....
.....
..... [2]

(ii) Wamkholonga matima (*indzima yesitfupha*)

.....
.....
.....
..... [2]

(iii) Bobhukwana bekuhamba bemgunyati (*indzima yesiphohlongo*)

.....
.....
.....
..... [2]

(e) Ngeliphuzu **linye**, chaza budlelwane emkhatsini waLaMkhonta nemtukulu wakhe.

Sekela ngalokusendzabeni.

.....
.....
.....
.....
.....
.....
..... [3]

(f) UnguLomagugu emva kwekulashwa esibhedlela. Mlayeto muni longawendlulisela kubontsanga yakho?

.....
.....
.....
.....
.....
.....
.....
.....
..... [3]

[Sekukonkhe: 15]

Umbuto 2

Fundza lesiviso bese uphendvula imibuto letawulandzela.

LICHAWEKATI

Lomsebenti webuhlengikati kwakungesiwo umsebenti nje kuphela kuNesi Hlobisile kodvwa kwakulubito lucobo. Bantu bakuMakhonza, endzaweni yaseNhlangano bebangawuvali umlomo ngemsebenti lomuhle walomhlengikati. Besebaze bambita ngelichawekati labo. Bebasho nekusho kutsi uyajabula LaHlatjwako kuyotala umntfwana lonebuntfu nalocotfo ngalendlela. Wawungeke umkhandze nangalinye lilanga acudvulekile uma enta umsebenti wakhe. Wawutsi nawufika nje emtfolamphilo wakhona kuMakhonza akuhlanguabete ngebuso lobumamatsekako. Bekafike akuvusele kahle aphindze abute nekutsi angakusita ngani. Bekangalingisi labahlengikati lebebasuke babhoke ngelulaka batsetsise tigulane kuze kumangalise kutsi kantsi lapha esibhedlela batowentani uma sebaphatsa kabi laba labatofuna lusito.

Sikhatsi semsebenti besatiwa nguye entela kutsi sitsi sishaya sikhatsi sekucala kusebenta abe sekayilungise kahle indzawo yakhe yekusebentela, tonkhe tintfo setime ngemumo. Bekumdzina kabi lokutsi sitsi sikhatsi sekusebenta sesishayile umuntfu abe adzidzitela asalungisa tintfo tekusebenta. Loku kwakukhomba kungahleleki. Bekutsi nakufika sigulane sekucala simkhandze sekavele asilindzile. Bekasemukela ngemoya lomuhle, size sitive sesiphilile ngendlela lesiphatseke ngayo.

Bekuye kutsi ngemalanga akhe ekuphumula angakayi emsebentini, avakashele tikolwa talommango ayofundzisa bantfwana ngebungoti betidzakamiva, kusheshe bamitse kanye netifo telicansi. Bekabecwayisa ngekujaka umdzaka litulu lingakani. Bekaphindze abakhutsate, agcizelele ekukhetseni bangani labacotfo, njengobe kuyashiwo kutsi, "bangani lababi bonakalisa similo lesihle". Phela bekakholelwka ekutseni nangabe bantfu baniketwe lwati ngesikhatsi lesifanele, itawuncipha nendlela leya emtfolamphilo. Bekangagcini ngekufundzisa bantfwana besikolwa nje kuphela, kodvwa bekutsi njalo nakunemihlangano emiphakatsi ledvutane nalenkhundla yakubo, nakhona acele litfuba lekutsi kube khona lakushoko esiveni ngato temphilo. Bekabeluleka ngebumcoka bekudla kudla lokunemphilo, emaseko lamatsatfu phela, kute batovikela tifo lettingabangwa kudla kakhulu emafutsa, shukela kanye neluswayi. Bekabakhutsata kutsi babuyelete kulokudla kwemdzabu lokufaka ekhatsi emajoti nemibhidvo leyehlukene ngobe kona kunemphilo. Bekawekhuta kakhulu nje lomkhuba wabomake wekufakela bantfwana bobholotsi bodvwa etikafutinini tabo tasesikolweni asho kutsi bantfwana abafakelwe titselo onkhe malanga. Bekabatjela nekutsi emanti angumutsi kwawona ngako-ke kufanele kutsi wonkhewonkhe awanatse njalonjalo ikakhulukati nangabe kushisa kakhulu.

Lebekakukhuluma bekakuphila ngoba bekalime ingadze yakhe lencane lebekangadli yedvwa kuyo kepha aphonsa lokuncane kubantfwana bendlunkhulu. Bekaphindze abacelele lusito etinini teNkhosi uma abona kutsi emandla akhe mafisha.

Endzaweni yakuMakhonza, bese kunelicembu lelivuka njalo ngensimbi yesihlanu ekuseni lingenele umgwaco ngenhoso yekuvocavoca umtimba. Nalo lelicembu lalisungulwe nguye Nesi Hlobisile. Bekacocisene nalabanye bomakhelwane bakhe ngebumcoka bekushukumisa umtimba kute emasotja emtimba atohlala acinile akwati kulwa netifo emtimbeni. Lelicembu lacala ngebantfu labasihlanu nje kuphela kodvwa linani selikhule lilinganiselwa ebantfwini labangemashumi lamatsatfu.

Nesi Hlobisile bekaphindze avakashele bogogo nabomkhulu emakhaya. Phela bekabakhonte kakhulu bantfu labadzala ngobe bekatsi bayinsika yemakhaya. Bekangayi alengisa tandla nje kodvwa bekabaphatsela emaphilisana ekucedza tinhlungu ngobe bekati kutsi sebahlala batitila nje. Bekabaphatsela nekwekushikisha emadvolo netinyawo lesetahlala tibacacambela. Bekaphindze akhutsate labo labahlala nabo kutsi bagcine indzawo yalabantfu labadzala ihlantekile. Sasibatfokotisa kakhulu labantu labadzala lesento saloNesi. Kulokunye, bekabuya sekaphetse wena bhatata, tinkhukhu tasemakhaya nalokunye aphiwe ngito tihlobo takhe.

Likhaya lakhe bekalivulele wonkhe muntfu lodzinga lusito Iwekucala. Bekenta siciniseko sekutsi uhlala unato timfanelo letifaka ekhatsi emabhandishi, imitsi yemkhuhlane, imitsi yesisu nemaphilisi ebuhlungu. Bekutsi nangabe befiike ebusuku abanike lolo sito Iwekucala bese uyabakhutsata kutsi bavukele emtfolamphilo wakhona kuMakhonza nobe esibhedlela lesikhulu saseNhlangano kuye ngekugula kwaloyo muntfu. Akumangalisi ke kutsi sive salommango sitichenye kangaka ngalomhlengikati waso.

Lendlela lesive lesimkhonte futsi lesimetsembo ngayo sesize sifikelwe ngumcabango wekutsi angasimelela kahle ephalamende. Impela imisebenti yakhe lemihle imkhankhasele.

Imibuto

- (a) Bhala sifinyeto lesingaba ngemagama labalelwa ku **60 - 80**, ngalebekakwentela ummango wakhe Nesi Hlobisile.

[Sekukonkhe: 10]

- (b)** Unguthishelanhloko wase Asakhaneni High School uluvile ludvumo IwaNesi Hlobisile. Ngemagama labalelwa ku **(120-180)**, bhalela Nesi Hlophe umcele atofundzisa bafundzi balesikolwa sakho ngetemphilo.

[Sekukonkhe: 15]

SICEPHU B: LUHLELO

Phendvula yonkhe imibuto kulesicephu.

Umbuto 3

Sebentisa lendzima letsetfwe **kusivisio 1, Hhawu Mine Ngemtukulu Wami**, bese uphendvula imibuto lelandzelako:

Kuhamba kwaGodo nemkakhe uLaBiyela kwashiya silondza lesimatima kunina uLaMkhonta lowatikhandza sekabhekene nensindzabetjatsi yekukhulisa umtukulu wakhe, Lomagugu, ngaphandle kwekwelekelewa ngumuntfu. Lokwachubela linyeva ekhatsi kwaba kutsi naye waMhlungwane bese angumntjingo ubetfwa ngubani kватise kutsi nemyeni wakhe, Mkhulunyelwa besekukadze amshiya. Phela Mkhulunyelwa watsatfwa sifo semsheko lesasibhedvuke kulowo mnyaka. Watsi uyophela lowo mkuhuhlane kwase kukhala libhungane emitini leminyenti yaseTicantfwini esigodzini sakaManzini. Naye-ke waNcongwane wahamba ngaleyondlela washiya umkakhe nelikhaya.

(a) Khipha loku lokulandzelako:

(i) Libitosento

..... [1]

(ii) Sibaluli lesinesicu lesichazako semvelo

..... [1]

(iii) Buniyo lobunesicu semvelo

..... [1]

(iv) Sento lesiphundvulekile

..... [1]

(v) Sandziso sendzawo lesisuselwe esabitweni

..... [1]

(b) Chaza letakhi letidvwetjelwe kulemisho lelandzelako:

(i) Kubulala sono lesimatima.

..... [2]

(ii) Asiyushada tsine nawe.

..... [2]

(iii) Silevu uyabonakala nakagula.

..... [2]

(iv) Anginohamba lamuhla.

..... [2]

(c) Majahodvwa

Chaza kutsi leligama lakhiwe ngatiphi titfo tenkhulomo.

..... [2]

[Sekukonkhe: 15]

Umbuto 4

(a) Bhala imisho lenaloku lokulandzelako:

(i) Libito leliphindze sicu

..... [2]

(ii) Sibabato lesikhomba kujabha

..... [2]

(iii) Sandziso sesimo

..... [2]

(iv) Sentakutsi lesikhomba kuwa

..... [2]

(b) Chaza letakhi talamagama langentansi.

- Babe **utawuhlakulisa** gogo ngemaholide.

/u-/
.....
.....

/-tawu-/
.....
.....

/-hlakul-/
.....
.....

/-is-/
.....
.....

/-a/

[5]

- Make utsenge sitofu **semalahle**.

/se-/

[2]

/-malahle/

[Sekukonkhe: 15]

BLANK PAGE

Permission to reproduce items where third party owned material protected by copyright is included has been sought and cleared where possible. Every reasonable effort has been made by the publisher (ECESWA) to trace copyright holders, but if any items requiring clearance have unwittingly been included, the publisher will be pleased to make amends at the earliest possible opportunity.